



SAKSPAPIR

Saksnr	Utval	Type	Dato
07/2018	Formannskap/plan- og økonomiutvalet	PS	29.01.2018

Sakshandsamar	Arkiv	ArkivsakID
Tore Henrik Øye	FA - K01	17/288

LØYVE TIL BRUK AV SNØSKUTER VED TELJING AV VILLREIN I VAKSDAL KOMMUNE SIN DEL AV NORDFJELLA VILLREINOMRÅDE

Vedlegg:

Søknad om løyve til motorferdsel i utmark i Vaksdal kommune i fjellområdet Teigdalen, Nesheimfjellet, Eksingedalen, Stamnes, Bolstad, Evanger

Rådmannen sitt framlegg til vedtak:

Med heimel i § 6 i Forskrift om bruk av motorkjøretøyer i utmark og på islagte vatn, får Fjellheimen villreinutval, ved Hildegunn Mugås, løyve til å nytte snøskuter ved teljing av villrein i fjellområdet mellom Teigdalen, Nesheimfjellet, Eksingedalen, Stamnes, Bolstad og Evanger, jf. kartvedlegg til søknaden. Løyvet gjeld innafor Vaksdal kommune sine grenser for perioden 01.03.18 – 15.04.18.

I medhald av § 6 første ledd i forskrifta, vert det sett følgjande vilkår:

- Bruk av snøskuter ved teljing skal berre nyttast om det ikkje er mogeleg å få til ei god teljing frå fly.
- Løyvet gjeld berre for bruk av snøskuter i inntil tre dagar innafor godkjent tidsperiode.
- Det skal ikkje nyttast meir enn fire snøskuterar under teljing, der to og to køyrer i lag.
- Villreinutvalet må gje melding til kommunen om namn på førarar, tidspunkt for gjennomføring og aktuelle køyreruter før teljinga finn stad.

Løyvet skal takast med under transport og kunne visast fram til politi eller oppsyn ved førespurnad, jf. § 7 andre ledd i forskrifta.

Formannskap/plan- og økonomiutvalet - Sak 07/2018

FPØ - Behandling:

Samrøystes vedtak.

FPØ - Vedtak:

Med heimel i § 6 i Forskrift om bruk av motorkjøretøyer i utmark og på islagte vatn, får Fjellheimen villreinutval, ved Hildegunn Mugås, løyve til å nytte snøskuter ved teljing av villrein i fjellområdet

mellom Teigdalen, Nesheimfjellet, Eksingedalen, Stamnes, Bolstad og Evanger, jf. kartvedlegg til søknaden. Løyvet gjeld innafor Vaksdal kommune sine grenser for perioden 01.03.18 – 15.04.18.

I medhald av § 6 første ledd i forskrifta, vert det sett følgjande vilkår:

- Bruk av snøskuter ved teljing skal berre nyttast om det ikkje er mogeleg å få til ei god teljing frå fly.
- Løyvet gjeld berre for bruk av snøskuter i inntil tre dagar innafor godkjent tidsperiode.
- Det skal ikkje nyttast meir enn fire snøskuterar under teljing, der to og to køyrer i lag.
- Villreinutvalet må gje melding til kommunen om namn på førarar, tidspunkt for gjennomføring og aktuelle køyreruter før teljinga finn stad.

Løyvet skal takast med under transport og kunne visast fram til politi eller oppsyn ved førespurnad, jf. § 7 andre ledd i forskrifta.

Saksframstilling:

OM SØKNADEN

Fjellheimen villreinutval, ved Hildegunn Mugås, søker Vaksdal kommune om løyve til å bruke snøskuter ved teljing av villrein i fjellområdet mellom Teigdalen, Nesheimfjellet, Eksingedalen, Stamnes, Bolstad og Evanger, jf. kart til søknaden av 31.08.17. Dyra i området høyrer til den sokalla «Kringsdalsflokken».

Vaksdal kommune stadfesta i brev til søkjar av 08.09.17 at søknaden er motteken. Søkjar har òg sendt søknad til Voss kommune.

FØREMÅL

Teljing av villreinen i Fjellheimen skjer årleg i regi av villreinutvalet. Teljingane utgjer eit viktig grunnlag for den målretta forvaltinga av stamma i området, og er gjennomført frå fly dei siste åra.

I følgje søknaden har det vore problematisk å få til gode flyteljingar av «Kringsdalsflokken». Dette vert mellom anna forklart med at dyra kan halde seg i skogsbeltet ved teljetidspunktet, noko som gjer registrering vanskeleg.

Villreinutvalet seier i søknaden at utgangspunktet framleis er å telje frå fly, som elles i området. Men dersom ei slik teljing ikkje lukkast, ynskjer utvalet å ha høve til telje flokken frå bakken, ved bruk av snøskuter, som vart gjort for ein del år sidan med godt resultat.

GJENNOMFØRING

I følgje søknaden vert det lagt opp til å telje i 2 til 3 dagar i løpet mars-april 2018, med 2 teljelag ute samstundes. Tidspunktet vil vere avhengig av vêr- og føreforhold, samt tilgjengelege mannskap.

Saksvurdering:

LOVGRUNNLAG

I følgje § 6 i Forskrift for bruk av motorkjøretøyer i utmark og på islagte vassdrag, kan kommunestyret eller anna folkevald organ med tildelt mynde, gje løyve til køyring ut over føremåla som er skildra i § 5. Dette tydar at søkjar må vise til eit særleg behov som ikkje knyter seg til turkøyring, eller som ikkje kan dekkjast på annan måte. Transportbehovet skal elles vurderast mot mogelege skadar og ulemper i høve til målet om å redusere motorferdsla til eit minimum.

Rådmannen meiner at føremålet representerer eit særleg behov for villreinforvaltinga, og ser det som viktig at teljing av villreinen vert gjennomført på ein best mogeleg måte med tanke på praktisk nytteverdi. Av omsynet til å kunne samanlikne representative teljedata over tid, er det difor å føretrekkje at den vanlege teljemetoden frå fly vert nytta i heile villreinområdet.

Dersom det derimot er forhold som talar for bruk av snøskute ved teljing av «Kringsdalsflokken», kan det vere eit poeng å leggje teljetidspunktet så tett opp mot flyteljingane som mogeleg. Dette vil vere opp til villreinutvalet og samarbeidande instansar å vurdere.

OMSYN TIL NATURMANGFALD - VURDERING ETTER NATURMANGFALDLOVA

I følgje § 7 i naturmangfaldlova, skal omsynet til miljøet vurderast etter miljørettslege prinsipp i §§ 8 - 12.

§ 8 - Kunnskapsgrunnlaget. Kjelder; naturbasen, artsdatabanken og viltkartet til kommunen.

Kjeldegrunnlaget viser hovudsakleg villrein som sårbar art innafor teljeområdet, og arealet er definert som «viktig viltområde» på Vaksdal kommune sitt prioriteringskart. I tillegg er det registrert enkelte viktig viltbiotopar i randområda til teljeområdet.

Bruk av snøskuter kan skape forstyrring for villreinen i ei utsett tid av året. Samstundes skal køyringa gjennomførast av personar som er medvitne på problematikken. Det er difor naturleg å rekne med at ferdsla vil bli utført på ei måte som i minst mogeleg grad uroar dyra. Køyringa vert ut frå dette vurdert som forsvarleg, og å ikkje vere vesentleg til skade for reinsdyra eller viltbiotopane i randområda.

§ 9 - Føre var prinsippet: Den gode kunnskapen om naturmiljøet i området gjev grunnlag for å vurdere gjennomføring av tiltaket ut frå førebyggjande tenking, spesielt med tanke på dyra sin arealbruk (kalvingsplasser). I dette høve er det naturleg å setje rammer for løyvet ut frå planlagt teljetidpunkt, jf. punktet «Rammeverk/planar».

§ 10 - Samla belastning: Aktiviteten i området i gjeldande periode, er hovudsakleg knytt til bruk av hytter/stølar og vanleg friluftsliv (skiturar). Bruk av snøskuter på teljedagane vert ikkje vurdert til å overstige tolegrense for samla belastning i området.

§ 11 - Kostnadene ved forringing av miljøet skal berast av tiltakshavar: Mindre aktuelt. Ikkje vurdert.

§ 12 - Miljøforsvarlege teknikkar og driftsmetodar: Alternativet til snøskuter er fly. Begge metodane vert sett på som forsvarlege å bruke.

OMSYNET TIL FRILUFTSLIV/REKREASJON

Køyringa vil finne stad i eit område som blir nytta til skiturar på gjeldande tidspunkt. Dette kan i seg sjølv føre til forstyrring og konflikt. Snøskuterbruken vil derimot vere av avgrensa karakter, og truleg ikkje vere til særleg sjenanse.

RAMMEVERK/PLANAR

Kapittel 9 i Interkommunal kommunedelplan for Fjellheimen villreinområde, seier at det bør utøvast ein restriktiv praksis når det gjeld tildeling av løyve til motorferdsle i utmark i området. Mellom anna at det i tida 10.04 - 01.07 ikkje bør gjevast løyve til motorferdsle i eller nær kjende kalvingsområde. Teljinga må difor gjennomførast før 10.04.2018.

Konklusjon

Med bakgrunn i § 1 i «Forskrift for bruk av motorkjøretøyer i utmark og på islagte vassdrag», som seier at all motorferdsle skal gjennomførast på ein aktsam og omsynsfull måte, finn rådmannen grunnlag for å gje løyve til bruk av snøskuter ved teljing av villrein i Nordfjella innafor Vaksdal kommune sine grenser.

Løyvet bør gjevast under føresetnad av at teljing frå fly ikkje let seg gjere på ein god måte, og at kommunen må få nærare varsling om teljekorps, tidspunkt for gjennomføring og aktuelle køyreruter.